



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<< 19 >> ապրիլի 2019թ.

Ո Ր Ո Շ ՈՒ Մ No. 707 /05-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա.Մնացականյանս քննարկելով «Մինկոտել» ՓԲԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «Մինկոտել» ՓԲԸ-ի (ՀՎՀՀ՝ 00870057, հասցե՝ ք.Երևան, Դ.Մալյան 1 շ, 23 բն, պետ. գրանցման համար՝ 282.120.06718) չկատարված հարկային պարտավորությունը 20.03.2019 թվականի դրությամբ կազմել է 2.121.593 դրամ, որից ապառք՝ 1.411.804 դրամ, տույժ՝ 548.346 դրամ, տուգանք՝ 161.443 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

Սույն վարույթի շրջանակներում առկա շրջանառության հարկի գծով՝ 1.215.668 դրամ /ապառք՝ 1.108.876 դրամ, տույժ՝ 106.792 դրամ/ պարտավորությունը, որն առաջացել է 2018 թվականի 4-րդ եռամսյակի հաշվարկից, ենթակա է գանձման համապատասխանաբար 08.02.2019 թվականի ՀՀ ՊԵԿ իրավաբանական վարչության պետի կողմից կայացված թիվ 2842-5 Ա որոշումով:

20.03.2019 թվականին հարուցված վարչական վարույթի շրջանակներում առկա եկամտային հարկի գծով՝ 378.330 դրամ /ապառք՝ 62.928 դրամ, տույժ՝ 291.804 դրամ, տուգանք՝ 23.598 դրամ/ պարտավորությունը, որն առաջացել է 2019 թվականի հունվար ամսվա հաշվարկից ենթակա չէ գանձման սույն որոշմամբ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 527.595 դրամ, որից՝

շահութահարկի գծով պարտավորությունը կազմում է 5.870 դրամ, որն ամբողջությամբ տույժի մնացորդ է, որն առաջացել է մինչև 01.01.2018թ. գործող «Հարկերի մասին» ՀՀ օրենքի 23-րդ հոդվածի, իսկ 01.01.2018 թվականից հետո ՀՀ հարկային օրենսգրքի 401-րդ հոդվածի համաձայն հաշվարկված տույժից,

շրջանառության հարկի գծով պարտավորությունը կազմում է 137.845 դրամ, որն ամբողջությամբ 2018 թվականի 3-րդ եռամսյակի տուգանքից է, որն առաջացել է ՀՀ հարկային օրենսգրքի 402 հոդվածի համաձայն հաշվարկված տուգանքից,

պետական տուրքի գծով պարտավորությունը կազմում է 383.880 դրամ, այդ թվում ապառք՝ 240.000 դրամ, տույժ՝ 143.880 դրամ, որն առաջացել է 2015-2018 թվականների տարեկան հաշվարկից և <<Պետական տուրքի մասին>> ՀՀ օրենքի 35-րդ հոդվածի համաձայն հաշվարկված տույժից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար

ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «Մինկոտել» ՓԲԸ-ից գանձել 527.595 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ստացա որոշման օրենսկից

Ստորագրություն

Ա. ՄՆԱՑԱԿԱՆՅԱՆ

հարկ վճարողի/կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ Բաժին,
գլխավոր մասնագետ Ա.Ավոյան
Հեռ. 01154919 /91-71/